

**ՀՀ Գեղարքունիքի մարզպետ Կարեն Սարգսյանի շնորհավորական ուղերձը  
Երեխաների պաշտպանության միջազգային օրվա կապակցությամբ**

01.06.2026

Սիրելի՛ երեխաներ,

Ջերմորեն շնորհավորում եմ ձեզ Երեխաների պաշտպանության միջազգային օրվա կապակցությամբ:

Այս օրը ևս մեկ առիթ է ընդգծելու, որ յուրաքանչյուր երեխա արժանի է սիրով, հոգատարությամբ և անվտանգ միջավայրում մեծանալու, կրթություն ստանալու, երազելու և իր կարողությունները լիարժեք դրսևորելու հնարավորությանը:

Երեխաները մեր ամենամեծ հարստությունն են, մեր ներկան ու ապագան: Նրանց ժպիտները, անկեղծությունն ու անսահման երազանքները մեզ պարտավորեցնում են կառուցել ավելի բարեկեցիկ, անվտանգ և հնարավորություններով լի պետություն: Այս տոնական օրը մաղթում եմ բոլոր երեխաներին անհոգ ու երջանիկ մանկություն, առողջություն, հաջողություններ և բազմաթիվ գեղեցիկ ձեռքբերումներ: Թող ձեր կյանքը լի լինի սիրով, ջերմությամբ, նոր բացահայտումներով և իրականացված երազանքներով:

Շնորհավոր տոնդ, սիրելի՛ փոքրիկ սերունդ: Դուք մեր հույսն եք, մեր ուժն ու վաղվա օրվա վստահությունը: